

Nipisanniarneq pillugu Namminersorlutik Oqartussat nalunaarutaat

Inatsisartut inatsisaat nr. 18, 3. juni 2015-imeersoq aqqutigalugu kingullermik allanngortinneqartumi Aalisarneq pillugu inatsisartut inatsisaanni nr. 18, 31. oktober 1996-imeersumi § 10 b, § 13, imm. 2, § 23, imm. 1, § 33, imm. 2 aamma § 34, imm. 3 naapertorlugit aalajangersarneqarput:

Atuuffia

§ 1. Nalunaarummi pineqarpoq tunngaviusumik killeqarfiup avataani 3 smilimiittup sineriaallu akornanni Kalaallit Nunaata aalisarnikkut oqartussaaffigisaani nipisanniarneq.

Nassuiaatit

§ 2. Nalunaarummi matumani Kalaallit Nunaata imartaq aalisarnikkut oqartussaaffigisaa tassaavoq Kalaallit Nunaanni aalisarnikkut oqartussaaffigisasaq pillugu kunngip peqqusineratigut Statsministeriaqarfiup nalunaarutaani aalajangersagaasoq.

§ 3. Nalunaarummi matumani inuussutissarsiutigalugu aalisarneq pisat tamarmiusut taakkualuunniit ilaasa tunineqarnissaat siunertaralugu aalisarnertut paasineqassaaq.

§ 4. Nalunaarummi matumani inuussutissarsiutigalugu aalisarneq nammineq pisat atornissaat siunertaralugu aalisarnertut paasineqassaaq.

Inuussutissarsiutigalugu nipisanniarnissamat piumasaqaatit

§ 5. Inuussutissarsiutigalugu nipisanniarniaraanni akuersissuteqartariaqarpoq, taanna Aalisarnermut, Piniarnermut Nunalerinermullu Naalakkersuisoqarfimmut qinnuteqaateqarnikkut tunniunneqassaaq.

§ 6. Aalisarsinnaanermut akuersissutit sivisunerpaamik ukiunut marlunnut atuuttussanngorlugit tunniunneqartarput.

Imm. 2. Akuersissutip aalajangersakkat makku imarisinnaavai, qassutit qassit akuersissummi ataatsimi atornerqarsinnaanerat, aqutsiveqarfimmi sorlermi aalisartoqarsinnaanersoq aamma aqutsiveqarfimmi ataasiakkaani piffissap qanoq ilinerani aalisartoqarsinnaanersoq.

§ 7. Piffissaq 16. juli - 28. februar inuussutissarsiutigalugu nipisanniarnissaq inerteqqutaavoq.

Pisassiissutit aamma piffissat aalisarfiusut.

§ 8. Inuussutissarsiutigalugu nipisanniarneq pisassiissutinik tunngaveqartumik aamma ullunik aalisarfissanik tunngaveqartumik ingerlanneqassaaq, tassa ukiunut ataasiakkaanut ullut aalisarfissat amerlassusissaat pisassiissutillu aalisarnermik ingerlatsinissaq pillugu Naalakkersuisut akuersissutaat naapertorlugit aalajangersarneqartarmata.

§ 9. Aqutsiveqarfimmut ataasiakkaanut tunngatillugu, tak. Ilangussaq 1, najukkani tunisaqarnissamat sinniisuutit aamma aalisartut kattuffiat isumaqatigiissuteqartarput qaqugukut inuussutissarsiutigalugu

nipisanniarneq aallartinneqassanersoq.

Imm. 2. Imm. 1 malillugu aqutsiveqarfimmi pineqartumi kingusinnerpaamik sapaatip akunnera ataaseq sioqqullugu nipisanniarnissap aallartinnginnerani Aalisarnermut, Piniarnermut Nunalerinermullu Naalakkersuisoqarfimmut nalunaarutigineqassapput.

Imm. 3. Piffissap aalajangersimasup § 9, imm. 1 naapertorlugu aalajangersarneqartup avataatigit inuussutissarsiutigalugu nipisanniarneq inerteqqaavaoq.

§ 10. Aqutsiveqarfimmi ataasiakkaani piffissani aalajangersimasuni aalisarfissat aqutsiveqarfimnilu ataasiakkaani pisassiissutit tusagassiorfit aqutigalugit aamma Namminersorlutik Oqartussat nittartagaat aqutigalugu nalunaarutigineqassapput. Pisassattaq tamarmik pisarineqarnerat nalunaarutigineqartassaaq.

Imm. 2. Piffissarititap § 6, imm. 1-imi oqaatigineqartup ingerlanerani allannguisoqarsinnaavoq, tak. aalisarneq pillugu inatsisartut inatsisaanni § 10.

Imm. 3. Aalisarnermut, Piniarnermut Nunalerinermullu Naalakkersuisoqarfiup aqutsiveqarfimmi piffissap aalisarfiusussap qaangiunnerani pisassiissutit pisarineqanngitsut aqutsiveqarfimmut allamut nuussinnaavai.

Inuussutissarsiutigalugu nipisanniarnerup unitsinneqarnera.

§ 11. Aalisarneq unitsinneqarpat nammineq aalisarnermi atortut tunngavilersuutitaqanngitsumik qaqqinneqassapput.

§ 12. Ullut aalisarfissat pisassallu naammatsippata § 8 eqqarsaatiginagu nipisanniarneq ingerlaannaq unitsinneqassaaq.

Inuussutissarsiutigalugu nipisanniarneq.

§ 13. Piffissaq 16. juli – 28. februar inuussutissarsiutigalugu nipisanniarnissaq inerteqqaavaoq.

Imm. 2. Piffissap inuussutissarsiutigalugu aalisarfissatut aalajangersarneqartup avataani inuussutissarsiutigalugu aalisarnissaq inerteqqaavaoq.

Imm. 3. Nammineq atugassatut nipisanniarneq danskit naalagaaffianni innuttaassuilinnut Kalaallit Nunaanni najugaqavissunut tamanut akuerisaavoq. Nunani allani innuttaassuseqartut Danmarkimeersuunngitsut Kalaallit Nunaanni najugaqavissut aammalu ukiuni marlunni ataannartumik najugaqareersut danskit naalagaaffianni innuttaassuseqartunut naligitinneqassapput.

Imm. 4. Inuussutissarsiutigalugu nipisanniarnermut atatillugu annerpaamik qassutit marluk atorneqassapput.

Pineqaatissiinerit.

§ 14. § 5, § 6, imm. 2, § 7, § 9, imm. 3 § 12 aamma § 13 unioqquatinneqarpata akiliisitsinermik kinguneqarsinnaapput.

Imm. 2. Aktieselskabi, anpartsselskabi, andelselskabi imaluunniit umiarsuaatileqatigiiffik unioqquטיםimappat ingerlatseqatigiiffik pineqartoq taannaatillugu akiliisussanngortinneqarsinnaavoq.

Imm. 3. Pinerluttulerinermi inatsimmi arsaarinnitarneq pillugu malittarisassat taamatutaaq atorneqarsinnaapput.

Atuutilersitsineq.

§ 15. Nalunaarut ulloq 15. februar 2016-imi atuutilerpoq.

Imm. 2. Ilutigalugu Nipisanniarneq pillugu Namminersorlutik Oqartussat nalunaarutaat nr. 6, 21. maj 2014-imeersoq atorunnaarsinneqarpoq.

Namminersorlutik Oqartussat, ulloq 2. februar 2016.

Karl-Kristian Kruse

/

Jørgen Isak Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut